

2020ko IRAILAREN 16ko OSOKO BILKURAKO AKTA.

Tokia: Berako Herriko Etxea.
Eguna: 2020-09-16.
Hasiera ordua: 19:35.
Bilkura mota: ohikoa, 1. deia.

BERTARATUAK:

EH BILDU

Jose Esteban Aguirre Zubieta
Estibaliz Pinacho Olaciregui
Julen Errandonea Martin
Josu Iratzoki Agirre
Maialen Chantre Irazoki

HERRIRAKO

Jose Antonio Oyarzabal Iribas
Nahuel Maximiliano Ibarburi Lompre
Raquel Quiroga Tapia

EZ EGOTE JUSTIFIKATUAK:

M. Aranzazu Zubieta Ochoteco
German Castillo Lazcanotegui

ALKATEA (Bilkurako buru):

Aitor Elexpuru Egaña

IDAZKARIA: Miguel Jose Belarra Tellechea, ekintzaren akta jasotzen du.

EZTABAIDATUTAKO GAIK (behar bezala egindako deialdiaren Gai Zerrendan sartu zirenak):

1. AURREKO BILKURAKO AKTAREN ONARPENA.

Alkateak galdetu du zinegotziren batek oharren bat egin nahi ote dion deialdiarekin batera banatu zen aurreko bilkurako aktari (2020/08/26). Inork ez du azalpenik egin eta **aho batez** onartzen da akta.

2. BERAKO BIDE PUBLIKOETAN PASABIDEAREN LIZENTZIAK ARAUTZEN DITUEN UDAL ORDENANTZA. HASIERAKO ONESPENA.

Ikusirik:

- Berako bide publikoetan pasabidearen lizentziak arautzen dituen udal Ordenantzaren onespenezko espedientea.

- Idazkaritzak 2020ko ekainaren 10ean egindako txostena.

- Egin direla Administrazio Publikoen Administrazio Prozedura Erkidearen 39/2015 Legeko 133. artikulua arautzen dituen aurretiko kontsulta publikoa eta

entzunaldia.

Nafarroako Toki Administrazioari buruzko 6/1990 Foru Legearen 325. eta 326. artikuluek xedatzen dutenarekin bat eginik,

aho batez ERABAKITZEN DA:

1. Hasiera batez onestea Berako bide publikoetan pasabidearen lizentziak arautzen dituen udal Ordenantza.

2. Espedientea jendaurrean jartzea 30 egunez, aldez aurretik Nafarroako Aldizkari Ofizialean eta Udaletxeko iragarki oholean iragarkia jarrita, herritarrek eta bidezko interesa dutenek hura aztertu eta erreklamazioak, eragozpenak eta oharrak egin ahal ditzaten.

3. Ohartaraztea ez bada erreklamazio, kexa edo oharrik aurkezten, hasierako onespén hau behin betikoa bilakatuko dela eta Ordenantzaren testua NAOn argitaratuko dela.

3. IBILGAILUAK ESPALOIETAN BARNA SARTZEKO ETA ATERATZEKO ETA EREMU PUBLIKOA IBILGAILUEN APARKALEKU ESCLUSIBORAKO ETA EDOZEIN MOTATAKO SALGAIEN ZAMALANETARAKO ERRESERBATZEKO TASAK ARAUTZEN DITUEN ORDENANTZA FISKALA. HASIERAKO ONESPENA.

Ikusirik:

- Ibilgailuak espaloietan barna sartzeko eta ateratzeko eta eremu publikoa ibilgailuen aparkaleku eksklusiborako eta edozein motatako salgaien zamalanetarako erreserbatzeko tasak arautzen dituen Ordenantza fiskalaren onspén espedientea.

- Idazkaritzak 2020ko ekainaren 10ean egindako txostena.

- Egin direla Administrazio Publikoen Administrazio Prozedura Erkidearen 39/2015 Legeko 133. artikulua arautzen dituen aurretiko kontsulta publikoa eta entzunaldia.

Kontuan hartuta Nafarroako Toki Ogasunei buruzko 2/1995 Foru Legearen – NTOFL- 100.1 artikuluan xedatutakoaren arabera, Nafarroako toki-erakundeek tasak ezarri ahal izanen dituztela tokiko jabari publikoaren erabilera soilagatik edo aprobetxamendu bereziagatik.

NTOFLaren 13. artikuluan eta Nafarroako Toki Administrazioari buruzko 6/1990 Foru Legearen 325. eta 326. artikuluetan ezarritakoa betez,

aho batez ERABAKITZEN DA:

1. Hasierako onspén ematea tokiko jabari publikoaren erabilera soilagatik edo aprobetxamendu bereziagatik tasaren ezarpenari, bide publikoa erreserbatzeagatik ibilgailuak espaloietan barna sartzeko eta ateratzeko, ibilgailuen aparkaleku

esklusiborako eta edozein motatako salgaien zamalanetarako.

2. Hasiera batez onestea ibilgailuak espaloietan barna sartzeko eta ateratzeko eta eremu publikoa ibilgailuen aparkaleku eskusiborako eta edozein motatako salgaien zamalanetarako erreserbatzeko tasak arautzen dituen Ordenantza fiskala.

3. Espedientea jendaurrean jartzea 30 egunez, aldez aurretik Nafarroako Aldizkari Ofizialean eta Udaletxeko iragarki oholean iragarkia jarrita, herritarrek eta bidezko interesa dutenek hura aztertu eta erreklamazioak, eragozpenak eta oharrak egin ahal ditzaten.

4. Ohartaraztea ez bada erreklamazio, kexa edo oharrik aurkezten, hasierako onespén hau behin betikoa bilakatuko dela eta Ordenantzaren testua NAOn argitaratuko dela.

5. Behin betiko onartutako Ordenantza igorriko da Nafarroako Toki Erakundeen Ordenantza Fiskalen Erregistrora.

4. BANDOAK ETA ALKATETZAREN EBAZPENAK.

Honako bando eta Alkatezaren ebazpen hauen jakinaren gainean geratu dira:

- Bandoak: B25 eta B26/2020 zenbakidunak.

- Ebazpenak: 159/2020 zenbakiko Ebazpenetik (2020/08/24) 174/2020 zenbakiko Ebazpenera arte (2020/09/11).

Julen Errandonea bilerara sartu egin da.

Gai zerrendatik kanpo, presazkoa dela aho batez aitortu ostean, legeak eskatutako gehiengo osoa bete izanik, honako gai hau eztabaidatu da:

2020/4 AURREKONTU-ALDAKETA. APARTEKO KREDITUAK. IBILGAILU ELEKTRIKOAREN EROSKETA.

Alkateak espedientea eta idazkariak prozedura azaldu ondoren, erabaki hau hartu da:

Ikusirik:

- Berako Udalak furgoi motako ibilgailu elektriko bat erosteko beharra duela udal-brigadarako, 32.000,00 euroko balio zenbatetsiarekin (BEZa barne); horretarako, dirulaguntza eskatu diola Nafarroako Gobernuari –efizientzia energetikoa sustatzeko, energia berriztagarriak ezartzeko eta mugikortasun ekonomikoa bultzatzeko tokiko erakundeei laguntzak emateko 2020ko deialdia-.

- Kontu-hartzailtzak, 2020ko irailaren 16an egindako txostenean, adierazi duela aurrekontu-aldaketa espedientea onetsi behar dela (aparteko kreditua), aipatutako ibilgailua erosi ahal izateko. Aipatzen du ondoko hau dela aparteko kreditua behar duen

gastu kontu-saila:

1-1612-62400. Ibilgailu elektrikoaren erosketa. 32.000,00 €.

- Aipatutako txostenean, gastuen partida honi baja emanda finantzatzea proposatzen dela:

1-4540-60901. Eltzaurdia eta Idoiako bideen konponketa. 32.000,00 €.

Nafarroako Toki Ogasunei buruzko 2/1995 Foru Legearen 202., 213. eta 214. artikuluei eta indarrean dagoen Aurrekontuko 10. Exekuzio Oinarriari jarraikiz,

aho batez ERABAKITZEN DA:

1. Hasierako onespena ematea 2020/4 zenbakia duen aipatu aurrekontu-aldaketari (aparteko kreditua).

2. Jendaurrean jartzea espedientea 15 eguneko aldian, Nafarroako Aldizkari Ofizialean eta Udal Iragarki Taulan iragarrita, nahi duenak aztertu eta erreklamazioak aurkez ditzan.

3. Ohartaraztea jendaurreko epealdian erreklamaziorik ez balego, behin betiko onetsizat hartuko dela espedientea.

5. ESKAERAK ETA GALDERAK. BESTE UDAL ORGANOEN KONTROLA.

Ez dira izan.

Beste aztergairik izan gabe, 20:20ak direnean, alkateak bilera bukatutzat eman du, eta nik, neronek, idazkaria naizenez, ziurtatzen dut.

O.E. ALKATEA,
Aitor Elexpuru Egaña.

IDAZKARIA,
Miguel J. Belarra Tellechea.